

丹臺玉案卷之三

明新安休邑後學孫文胤對薇父叅著

嵎峨縣令友生游士進旂揚父較正

常山縣庠盟弟徐待問洪鍾父

全問

雲間盟弟何遠履方父

瘧疾門

夫瘧者殘虐之意也。從病從虐故名曰瘧。是病者多發於秋。因夏傷於暑。故至秋而發也。有先寒後熱。先熱後寒。單寒無熱。單熱無寒。大寒大熱。微寒微熱之

異。分而言之。先寒後熱者。先得於寒。先熱後寒者。先
得於熱。又云。先熱者爲血虛。先寒者爲氣虛。單寒無
熱者。內傷必重。單熱無寒者。內病必多。大寒大熱者。
邪必深。微寒微熱者。邪必淺。又有久寒久熱。經年累
月而不愈者。必其不守禁忌。兼以元氣虛弱。故也。合
而言之。不專於外傷客邪。亦平日飲酒不節。及七情
不慾所傷。兼之以脾衰痰而不散。與內之飲食外之
氣相結。交固流聚於少陽之分。少陽位人身之中。
陰陽往來必由之路。又在半表半裏之間。陰血流

過其處激而發熱。或陰陽交會則寒熱交作。久而不愈則結成瘧母。藏於脇下。脇下者少陽之分也。治此病者以引經藥引至少陽之分。而以消食化痰疎風調氣之劑量其輕重而投之。無不應矣。然同一瘧也。有一日之發。間日一發。有三日一發者。何也。蓋病之所出來者有遠近也。冬傷於寒。不卽病。直至明年秋而後發者。則三日一發之瘧也。三日一發者。受病或一年。間日一發。受病或半年。一日一發。受病或三月。每以得病之遠近爲所發之日期也。醫者以心度之。

見其三日一發。則知其得於寒。當以辛溫之藥散之。
見其間日一發。則知其得於暑。當以清暑之藥治之。
然又必見其症有相合者。方可換也。如浙西但初發
瘧疾者。皆言謂之胎瘧。蓋莫敢服藥。若瘧疾始初不
去疎表。邪何能自散。而愈發愈盛矣。及至延之日久。
氣血兩虛。肝邪日旺。脾經受尅。以至四肢消瘦。飲食
少進。面黃膚腫。纔議用藥。如體厚者。還可救療。體弱
者。竟無救矣。既然有胎瘧。亦該有胎傷寒。胎痢疾之
說。何獨瘧疾有胎。而他疾無胎乎。此言大謬之甚。如

此說明。後人諒不再朦蔽。以至悞人之性命者耳。然
下拘初發再發。但有食則消食。有痰則化痰。有風則
散風。有寒則攻寒。有熱則驅熱。有氣則開氣。新病則
去其病。久病則補其元。神而明之。則存乎人也。

脉云

瘧脉自弦。弦遲多寒。弦數多熱。代散則死。弦短者傷
食。弦滑者多痰。弦如刀刃者死。弦小者生。

立方

清脾飲 治脾瘧脉來弦數。或熱多寒少。日苦咽乾。

小便赤澀

茯苓

去皮

青皮

醋炒

厚朴

薑製

草蓂

去皮

半夏

各六分

薑礬製

白朮

土炒

黃芩

酒炒

柴胡

各一錢

甘草

四分

水二鍾

薑三片

棗二枚

煎七分空心服。

桂枝芍藥湯

治瘧大作戰動陽盛陰虛此太陽陽

明合病也。

桂枝

一錢

黃蓂

知母

芍藥

石膏

各三

水二鍾。薑五片。熱服。

四獸飲。治五臟氣虛陽明偏勝。結聚涎飲。與胃經

相傳者。

白朮

人參

各一錢

甘草

茯苓

半夏

各八分

陳皮

一錢二分

烏梅

二箇

水二鍾。薑三片。棗二枚。空心服。

七寶飲

治一切瘧疾。無論寒熱多少。及山嵐瘴氣。

青皮

陳皮

厚朴

甘草

各一錢二分

草薺

檳榔

常山

水酒各一鍾。清晨服。

鰲甲飲子

治瘡久不愈。脇下痞滿。腹中結塊。名曰

瘰癧

川芎

黃耆

白朮

鰲甲

各一錢五分

草薺

橘紅

甘草

白芍

檳榔

厚朴

各八分

烏梅二箇

水二鍾。棗二枚。食遠服。

秘驗方

治瘡疾久遠不愈。一服止。

人參

二錢

知母

白朮

柴胡

藿香 各一錢 六分

常山 一錢 烏梅 七箇

何首烏 一錢 四分

水二鍾薑三片煎八分露一宿空心服。

神妙丸 治瘧母積塊作痛發熱。

真沉香 兩 阿魏

檳榔

穿山甲

雲木 各一兩 五錢

硃砂

雄黃 各八錢

右共為細末醋和為丸如梧桐子大每服六十丸空心薑湯下。

參苓養胃湯 治瘧多寒少熱脾胃虛弱飲食不進

茯苓

人參 各一錢

蒼朮

半夏

陳皮

草蓂

藿香

厚朴 各八分

甘草

四分 烏梅 一箇

水二鍾，棗二枚，煎七分。另以老薑二兩取汁和勻。

露一宿，空心服。

祛癰飲 治癰經歲月不愈者。諸藥不効，方可服之。

白朮

蒼朮

青皮

陳皮

草蓂

各二錢

厚朴

檳榔

茯苓

甘草

良薑

半夏

各一錢

人參 三錢 烏梅 三箇

水二鍾加薑五片空心服

柴苓扶元湯 治瘧疾陰陽不和元氣虛弱寒熱漸

盛

柴胡

黃芩

人參 各一錢五分

豬苓

澤瀉

白朮

青皮 各一錢

何首烏

二錢

茯苓

肉桂

各八分

水二鍾棗二枚食遠服

加味補中益氣湯

治平素不足兼勞祿內傷感寒

受暑以致瘧疾。

黃蓍

白朮

黃芩

人參

柴胡

各一錢

半夏

陳皮

各八分

升麻

三分

白芍

當歸 各一錢二分

甘草

五分

水二鍾薑三片棗二枚空心服。

七棗湯

治瘧疾但寒無熱。

附子

一箇以鹽水浸泡七次去皮臍

分爲二服水二鍾棗七枚薑七片煎七分臨發日

空心服。

二陳湯

以此湯爲主。照各經病症加藥錄後。

茯苓 一錢

甘草 六分

陳皮

半夏

各二錢五分

太陽經瘧。必腰背頭項俱痛。加藁本。防風。羌活。

少陽經瘧。必口苦嘔吐。惡心。脇痛。加柴胡。黃芩。青皮。

陰經瘧。發于子午卯酉。四正之日。舌乾口燥。嘔吐。

欲閉戶牖。加芎歸。黃連。黃柏。或小柴胡。半夏。

歌陰經瘧。發於寅申巳亥。四旁之日。小腹痛。引八陰。

作淋。加桂枝。薑附。重者。四物加玄胡。金鈴子。附子。

太陰經瘧。發於辰戌丑未之日。腹滿自利。善嘔。嘔已。

表裏加蒼白朮。柴胡此三味。瘧家必用。以上三陰血分受病。發在處暑後者。俱謂之痰瘧。寒重者理中湯。方見傷寒門。

痢疾門

古無痢疾之名。惟曰滯下。今從病從利。故名之曰痢。然其爲症。豈一朝一夕之故哉。蓋有平素飲食不節。油膩生冷。恣食無忌。或飢飽不時。或冷熱者。擇啗蓄於中。久而不化。又成痢。感暑濕內傷七情。行房於既醉之餘。努力於過飽之後。所損之物。煨煉稠粘。有赤

白相雜與純黃之異。不見其糞。而惟見其積者。蓋藉
氣血而變成也。傷於血則變爲赤。傷於氣則變爲白。
氣血俱傷。則赤白兼黃。則脾家亦傷。而純於赤白者。
亦未必非傷脾之所致也。使其無赤白而其色純黃。
則專傷脾土。而氣與血猶未甚動焉。至若下痢如黑
塵之色。及屋漏水者。皆不治之症。而噤口者亦多死。
以其無胃氣。而邪熱獨結於上也。大法初起當先推
蕩。而後調理。病久則帶補。帶收。切不可驟用澀藥。初
痢澀積蓄不去。多致死亡。又不可因久利之人氣。

血不攝。妄投黃耆升麻之類。下痢若服黃耆卽發膨脹。多服升麻則小便與積皆升至上焦。此速死之道也。但傷血則調血。傷氣則調氣。傷脾則養脾。當寒而寒。當溫而溫。當燥而燥。當清而清。因病用藥。其可以執一乎。

脉云

下痢之脉宜微小。忌浮洪。宜滑大。忌弦急。所謂身涼脉細者生。身熱脉大者死。叔和云。下痢微小却回生。脉大浮洪無瘥日。